

կար պիտի գրեմ Քեզ. խնդրում եմ համբերութեամբ կարգած իւրաքանչիւր գիւղի և կատարեող հարստահարութիւնների մասին, որոնց մասամբ ինքս ականատես եմ եղել, իսկ մի մասն էլ գրի եմ առել քէզիսուղանների, քահանաների և ուսուցիչ-ուսուցչուհիների տւած տեղեկութիւններից:

Նախքան գիւղերի նկարագրութիւնը, պիտի ասեմ Քեզ սիրելիս, որ այս գաւառի գիւղերի ընդհանուր պատկերը համարեա նայնն է, շատ քիչ տարբերութեամբ. այդ դու կը տեսնես իմ նկարագրութիւնների ընթացքում: Այժմ կը տամ ես Քեզ նրանց պատկերները:

*
* *

Ն Ա Մ Ա Կ Ե Ր Տ

Նոր—Ջուղայից դէպի արևմուտք, 21¹/₄ ֆարսախ հեռաւորութեան վրայ ընկած է Փէրիա գաւառի ամենամեծ, հայաբնակ այս գիւղը, որն իր գեղանի սահմանների վրայ հիւրընկալում է բազմաթիւ պարսկաբնակ և հայաբնակ գիւղեր, այսպէս արեւելից՝ Դարան. արեւմուտքից՝ Սֆտիկան և Դրախտակ. հիւսիսից՝ Նարխալաջ և Հուսուր. հարաւից՝ Գուլամիր:

Գիւղն աչքի է ընկնում իր գեղեցիկ դիրքով. փռւած է մի ընդարձակ, բանաստեղծական հովտում, որի արևելեան և արևմտեան կողմերից շարքով տնկւած սուերախիտ սնուբարինների, ուռենիների և բարդիների փէշերից ոռոգելով՝ ոլորապտոյտ անցնում են երկու քոյր գետակներ—Մեծ չայ և Պզտիկ չայ. դրանք յայտնի են իրենց զուլալ և սառնորակ ջրերով և անուշահամ ձկներով: Մեծ չայն սկիզբ է առնում Քէյիզուց և ոլորապտոյտ հոսելով, ոռոգում է Նամակերտի արևելեան մի մասը, ապա պտոյտներ գործելով կտրում է Ղառղունի և Սվարանի դաշտավայրերն ու գնում միանում Ջայնդէրուզին և նրա հետ անցնում դէպի Նոր—Ջուղա: Իսկ Փոքրիկ չայը բղտում է Կէնջէ պարսկական գիւղից և օձապտոյտ հոսելով Նամակերտի արևմտեան ծառազարդ ափերից՝ միանում է Մեծ չային և նրա հետ գրկախառնւե-